

**МИНИСТЕРСТВО ОБРАЗОВАНИЯ И НАУКИ
РЕСПУБЛИКИ ДАГЕСТАН
МКОУ «Хуршинская средняя общеобразовательная школа»**

**Сочинение на тему:
«Дерхъабая, дарган мез, даргантала нешла мез»**



Выполнила ученица 11 класса: Абдулмеджидова Сапийт Рашидовна

Руководитель: Абдуразакова Райзанат Мусаевна

с.Хуршни 2017г.

Багъадурти дарганти,
Дигахъена нешла мез,
Илди мезличил сабну
Г1ямрула гъуни ихъул.

(А. Абдурашидович)

Мез - саби – ургаб адамти гъайбик1ути сек1ал сари. Илдала кумекличирли чуни дарсур пикруми дуру, мурадлуми иргъахъу. Урк1иличирти ва бек1лизирти пикруми дурес г1яг1нидеш ва х1яжатдеш лебнили сари мез ак1ахъубти. Дунъяличир гъанна х1ябал азирличирра имц1али мез лер. Дагъиста халкъли гъану гех1радех1 мез дузахъули сари. Дагъистайзир илдицад мез лерниличила халкъла дахъал буралабира лер. Х1ера илдазибад ца: «Гъачам Аллагъли дунъяличибти адамтас мез дут1ахъес ч1ака бархъаили саби. Ил, сунела мезли биц1ибси гавлагра касили, мез дут1ес гъайбиубли саби. Ч1ака Дагъистайзи абаибх1ели, илала мезли биц1ибси гавлаг шурла бугаси дублизи чегили гъярбердили саб ва лерилра мез Дагъистайзи т1инт1адиубли сари». Илдазирад цадех1 сари нушала дарган мез.

Дарган мез даргала халкъла мез сари. Илди даргала халкъ ак1убла, илдачил дарх лерти сари. Илди мезличил дарганти саби – ургаб гъайбик1ули саби, чула пикруми иргъахъули сари. Эгер илди мез х1едиалри, адамти саби ургаб бархбасес, жамиг1ятлизиб х1ербиэс бирути ах1енри.

Белк1 агарли г1ергъи, литературный мез диэс дирути ах1ен. Даргала халкъ гъарли – марли чула мезличил буч1ес ва лук1ес бех1бихъили саби 1925 ибил дуслизиб. Амма итх1ели лебилра дарганти гъарил чула лугъатличил лук1улри. Илбагъандан чиди – биалра ца лугъат, сабира имц1атигъунти даргантала лугъатуначи мешуси, т1амралашал бахълис балбикибси, хъулчилизи кабихъили, литературный мезла къяйдурти кадизахъес г1яг1нилири. 1930ибил дуслизиб Дагъиста орфографическая конференцияличиб ахъушала лугъат литературный мезла хъулчили кабихъибси саби. Ахъушала мез гъайла устнани луг1яндарили, лебилра даргала халкълис цайли цати мезли кадизахъурти сари. Х1ера, илкъяйда 1930-1931 ибти

дусмазир ак1убли, барх1илис – барх1и гьаладых1 дашули сари даргала литературный мез. Дарган мезличил художественная литературала произведениеби, газетаби, журналти ва дурх1ни буч1ахъес жузи дурайули сари. Дарган мезличил театрлизир спектакльти кадирхъули сари ва передачаби дирули сари. Илди мез школабазирра дуч1ахъули сари. Илбагъандан, дарган дурх1нас багъуди ва бярхъ дедлугнилизиб, даргала мез дуч1нили халаси асар бирули саби.

Гъанна дузути лук1нила кьяйдурти г1ях1ил кьулайдиубли сари, амма г1ялимти, илди гъат1ира ункъдирули, бузули саби. Ил шайчир илдас кумекли дирули сари урус мезла лук1нила кьяйдуртира. Г1ерасибти дугъбани литературный мез давлачердарили сари.

Вег1ла нешла мез - г1ямрулизибси бег1ла халаси давла саби. Давлумира дек1ар – дек1ар журала дирар, дирар мургъи – арцла давлуми, дирар ванзала мяг1дунтала ва миц1ирагла давлуми. Лерилра илди ахирра кадурхули сари. Амма лебси саби ца давла, сабира я ц1али х1ейгуси, я берки ках1ебурхуси, я белк1и таманх1ебируси. Ил мезла давла саби. Мезла давла чилилра сунесцун харжбарес х1ейрар. Ил лебилра бег1тазибад чула бишт1атани г1ебисуси, чеалк1утас г1елаб балтуси давла саби.

Даргала мез гьаладых1 аркули сари даргала поэтунанира писательтанира. Илдани чула произведениебазир чедях1дирули сари даргала халкъла мез, г1ядатуни, культура.

Гъаннала замана бахъал адамти шимазибад шагъуртази арбашули саби. Цабех1тани чула нешла мез хъумуртули сари, цабех1тани биалли, бек1лил чула нешла мез далули ах1ен. Илкьяйда цадех1 мез бек1лил деткахъили сари. Шагъуртазибад бак1ибти дурх1ни чула хала бег1тачил урус мезли гъайбик1ули саби, амма бухънабани илдала гъай иргъули ах1ен. Ц1ахли ах1ену гъат1и илдала бег1тас, чула дурх1нани чула бег1тала мез х1едални багъандан?

Вег1ла нешла мез муртк1ал хъумх1ертес г1яг1нили саби, илбагъандан гъарилла бег1тали чула бишт1атази илди дагъахъес чебла саби.

Дагъистан машх1урси саби: ахъти дубуртачибли, дек1арли, чулацун дарибти шимачибли, гъар-урла г1ядатуначибли, г1ях1ял-дешличибли ва дахъал мез лерниличибли. Дахъал мез лер дургар царх1илти мераначирра, амма нушалагъуна, хъатгъуна мерличир

ишдицад мез чинаралра хледургар. Гъар шила сунечищун хасте мез сари, тамаша ахлену гъатли!

Наб риштлахтели дебали тамашабилзи, сен нушала унра ши Мирзидтала адамти нушаван ахли декларли гъайбиклутил? Нушала шими дебали гъамти сари, амма мезлашал дебали гъарахъли сари. Цацадехти дугъби илдала нушани иргъули хледирехле. Ил шила дурхлини нушала шилизибси школализи сабашули саби. Нуша цаличил ца жалтадиркъули дирехле,- «Нушала мез жагати сари»,- нуша диклули. «Чула мез жагати сари»,- илди биклули. Гъанна, халакараибхтели, нуни иргъулра, гъариллис сунела мез жагати сари ва гъариллис илди дигахъули сари.

Гъарил инсайс дигахъули сай: сай аклубси ши, сунела шила мер-муса, глабиглат, ахъти дубурти - сай айзурхтели, берхила нурли шаладарибти. Ил тяхлярли дигахъули сари гъариллис сай варкъибси нешла мез.

Архляличи дурарухъунхтели, шагъарлизи чинаклал аркъухтели, чумра адамла ихтилат дакъира. Ихтилатлизир адамтани чула мер-муса, чула ши, чула мез гапдирулри. Наб ил гляхлизур, сенахленну лебтасалра чула мез дигахъни якъинни саби.

Бургар цабехти, мез мучлаагардиранти. Имцали илдигъунти адамти шагъарлизиб къаршибиркули саби. Илдас я чула мез гляглни ахлен, я гъар-урла глядатуни гляглни ахлен, илдигъунти адамтала культурара сегъуналра агара. Вегла глядатуни, вегла мез далуси адамла хлурматра халаси бирар.

Нуни пхрубирули рирус шагъарлизиб нешла мезличиб гъайбиклути адамти къаршибикалли, хаслира дила, дарган мезличил. Дарган адам цугикаллира наб дигахъис иличил дарган мезличил гъайриклес. Набчи нунира пахрубирули рирус, сенахленну нуни гляхлил далас дила нешла мез. Илди мез хъумартес, мучлаагардарес сегъуналра пикри агара дила. Нешла мезиличи пахрубирахъес, илдала хлурматбирахъес руркъулира нуни дила биштла рузби ва узи.

Гъаларван ахли, гъанна телевизортазирра дахъал каналти чедиахъули сари. Биштла дурхлинас дахъал мултфильмабира лер гъар-журала. Илдачи хлербиклули биштла дурхлини урус мез далули сари. Школализи аркъухтели, къакъализиб цугбикибти биштла дурхлини булан цаличил ца далу-хледалути урус мезли гъайбиклули саби. Дила дукелцли дулхъули дирар илди биштлатачи. «Хлеръаягу ца хлушани, ясли-сад агаркъира нушала

шилизиб, сен г1ях1ил урус мез далулил», - пишряхъили рик1улра ну илдази. Илгъунти масъулти чедиух1ели, нуни пикрибирулра, урус мез гъамадли дяркъес вирули сай, амма нушала мез дагъахъес урус мезли гъайбик1ути дурх1нази сеннира къиянни саби.

Нушала класслизивра лев, шагъарлизивад вак1ибси урши. Илра нушачил урус мезли гъайик1ули сай. Илини иргъули сай дарган мезли нушани дурути, амма нушачил дарган мезли гъайик1ес балули ах1ен. Илала халаси къас леб, нешла мез дяркъес. Илгъуна къас лебнилисра илис халаси баркалла, сенах1енну нушани чебиу-лира секъяйда къияй сабил илис. Иличил нуша перерывла заманара дарган мезли гъайдик1ули дирех1е. Сунес нушачил дарган мезли гъайик1ес дигули хъалли, урузк1ули сай, балк1ли дев бурис или. Илдигъунти уршбира рурсбира бахъал леб. Илбагъандан бег1ти хъайг1иб дарган мезли гъайбик1ес г1яг1нили саби, шагъуртазиб х1ербирули биалра.

Урус мез биалли, школабазирра, университетуназирра, училищебазирра дагъес вирар. Школализиб ункъли х1ебуч1антани булан, шагъарлизи дурабухъалли, урус мез далули сари. Дурх1ни г1ярмиялизи букъи чарбухъунх1елира урус мез г1ях1ил дала. Илбагъанда бег1ла халаси къиян кабихъес г1яг1нили саби бег1тани чула бишт1атази дарган мез дагъахъес, г1ур школализир учительтани. Вег1ла мезли лук1ниличил ва уч1ниличил халаси пахру нуни х1ебалас. Цабех1тани пахрубирули саби английский мез далулра или, нуни пахрубирис дарган мез далулра или. Английский мез дагъес рирус нуни руч1ес карухъунх1елира.

Халаси баркалла рик1улра ну С. Г1ябдуллаевлис. Илини халаси къиян кабихъиб дарган мезли нушала дурх1ни лук1ахъес ва буч1ахъес. Урусла г1ялимтасра баркалла рик1улра П.К. Усларлис ва Л. И. Жирковлис, сенах1енну илданира дарган мез делч1нилизи белгиси пай кабихъибси саби. Илтях1яли бурес вирар Грузияла г1ялим Ш. Г. Гаприндашвиличила. Илра дарган мезлис багъишладарибти дахъал статьябала автор сай. Х1ердик1енаягу х1уша нушала миллатла агарти адамтанира сегъана къиян кабихъилил дарган мез кадизахъес!

Дагъистайзивра, лебил дунъяличивра машгъурси поэт Расул Х1ямзатов вик1усири: «Рахли жяг1ял дила нешла мез деткайхъалли, ну ишбарх1и х1ядурлира ц1ябси х1яри керхес».

Хїабилра дигахїис наб дила нешла мез ва нуни мурткїал
хїумхїертис дила ахїти дубуртачибси биштїаси Хуршнила ши,
шила шанти ва дила нешла мез!

Нешла мез.

Нешла мезла дугьбала
Гьалаб икрамбирулра,
Илди дила адабла
Хазнаван халдирулра.

Чузир лерни багъандан
Неш, узи, рузи, Ватїан...
Жан дедесра хїядурти
Нуша сари багъандан.

Наб дила дарган дугьби
Закир урмиван дирар:
Пикрумала бархибдеш
Шалабирули дирар.

Чузир лерни багъандан –
Мардеш, гьалмагъдеш, дигай...
Сари сархес цїакъани
Мяштїхїедируси инсай.

Наб лерил дарган дугьби
Далайван жагадилзан,
Гїяхїбаркьличи жидикїес
Кадизуртиван дилзан.

Дерхъаб викїус, нешла мез,
Бургъаб нарт ва гїянтїикїа
Дарган дугьбала далай
Гьари, уртахь, битїакїа.